

2

Sabina von gottes genaden geborne Fürstin von Bairn herzogin zu Wittenberg vnd Deggé Gräfin zu Ellingen etc.

unseren günstlichen gruss zuvor Ersamen fürsichtigen vnd weyßen lieben gesetzewen/Als verschiner jare der hochgeborene fürst hertzog Albrecht etc. unser hertz lieber hertz vnd vatter loblich zugedencken/auff anpringen vñ werbung Römischer thayserlicher maiestat dazumal Römischer kung vnsers allgemeinesten herm vñ vettters/ auch der hochwirdigen vñ hochgeborenen fürstin vnsrer lieben herren O haym vnd Schweger herrn Bertholden Erzbischouen zu Mentz auch seliger gedecktnuss/vnd herrn fridrichen hertzogen zu Sachsen Churfürsten etc. vns dem hochgeborenen fürsten hertzog Ulrichen zu Wittenberg vnd Deggé als ansehlichen gueten vrsachen vmb erhaltung frid vnd amigkeit beder fürstenthumb Bairn vnd Wittenberg/ vertreuet vñ durch verbrefft veramnigung zu künftiger volziehung verme/ holt/Darzu wir als ein gehorsams freulein auff anjnnen berüts vnsers hertz lieben herren vnd vattern dazumal bezilliget/ Nachfolgungt/wiewol wir von trefflichen personen freulich gewarnet vnnss vor dem hanstreiche vnd beyligen seiner lieb vngeschickten wesens halb zuverhüten/yedoch auss hoffnung vñ zuuersicht mit der hilff gottes sein lieb daruon zuwenden/nach außsatzung der heiligen Christlichen thirchen das sacrament der Ehe volzogen vns auch in werundem Elichen standt bey gemeltem unserm gemahel als einer Ersfrumbn gepornen fürstin woll gezimbt erlich vnd wol gehalten darab sein lieb thein klag noch missfallen haben mögen/vnnss seiner lieb willens vnd gefallens mit höchstem vleis allzeit mit grosser sorg vñ fürtrachtung geflossen/den Almechtigen teglichs in unserm gepeth vmb fridliche beyronnung vnd exige amigkeit zwüschen unser hertlich gepeten/ unser gemiet hertz vñ wil nie anders gestanden/dan mit seiner lieb freutlich in steter amigkeit vnd gehorsame/alls freulichem pildt gegen jum gemahel gepurdt/zulieben/vns mit allam als ain gemahel sunder ein dienerin gegen seiner lieb erzaigt vñ gehaltn/was seiner lieb missellig vñ widerwärtig gemut/vnser lebelang nie gedacht zubelaídigen/vnnss aller lieb/früntschaft / vnd guethat bey seiner lieb getrost vnd versehen/Aber vns alles nichts/nach langwiriger gehabter geduld/fürtragen noch helffen wöllen/sunder sich teglich yemer unwillen über unser unschuld vnd ganz unverdient gegen vns beflissen/so grausam/lich in wil weg/die wir euch auss freulicher zucht dirzmais vneröffnet wollen lassen/mit vns gehandelt/das zwüschen Ehegemeheln vnd sunderlich fürstlichen personen vnerhört/Als ir vngewisfelt des zum thail seiner lieb übung vnd wesen nach/guet wissen vnd bricht empfangen/Vnd wiewol wir solche grausame vngeschickte handlung langzeit mit bewegtem gemüet/schmerzlich geduldet/teglich pessierung vnd bekerung seines gemüets/ gewertig gewest/haben wir doch thein leichtrung noch abwendung seiner vngeschicktn

weis sunder mer verpittrung vnd erhassung gegen vns teglichs entphunden/  
vnser schabs/ Ein vnd lebens/ alls wir scheinpärtlich gemerckt/ vnsicher ge/  
west/ deshalb wir laider genügsam geürsacht/ vns lang vor diser zeit vnser  
gemahels vnd fürstenthums zu enteußern/ Aber biszher in verschonung vn/  
ser kleinen kindlein/ vnd einer frumen löblichen landtschafft bis zu der letzten  
nott vns bey euch im fürstenthumb mit grosser fürgfertigkeit enthalten/ vnd  
doch yz am jüngsten bey verlierung vnser lebens/ als wir mit warem grund  
durch hoch vertzavt personen/ so vnser gemahels hitzigen furnemens wol  
berrist/ seiner zukunft nit zu erwartet gewarnet / vnd bericht/ vns des für/  
stenthums zu enteußern/ vnser liebste kinder vnd ain frume getrewe Land/  
schafft ( mit was schmerzen habt ic wol zugedencken ) verlassen vnd ent/  
weichen müssen/ darzu vns merckliche obligunde nott gedrungen/ dann wir  
in diesem zeitlichen leben auff erden nichts höhers vnd liebers begert/ dan bei  
vnserm gemahel/ vnserer baider liebste kindlein/ vñ einer frumē vnschuldige  
getrewe landschafft vnser lebe lang zu pleiben / vñ das endt in beywonder  
gemahelschaft seliglich zubeschliessen/ hat vns aber über langwerige geduld  
leider nit erdeihē möge/ des wir got dem almechtigē mit pitterlichem wainen  
vnd schmerzen/ dy zeit vnser lebens klagen müssen/ Nachdem wir aber ge/  
dencken vñ vermueten/ vorberürter vnser gemahel werde zubeschönung sey/  
ner vngeschickten geübten handlungen/ nach vnserm abzug/ weg vns zu vn/  
verglimpfen erdencken/ ain frume getrewe landschafft damit wider vns zu/  
bewegen/ des er doch mit kainem grundt noch füeg ihm mag/ dann wir vn/  
ser wesens vñ handlung kain scheich trage/ mögen deshalb vor Römischer  
kayserlicher mayestat vnserm allergnedigsten herrn vnd vettern/ allen Churs  
fürsten/ Fürsten/ geystlichen vnd weltlichen/ verhōr vnd alle pillikait leiden  
vñ gedulden/ Demnach ob aymiche erdichte vervnglimpsphung von vnserm  
gemahel/ oder yemandts von seinetwegen wider vns euch fürgetragen oder  
eingepildet wolt werden/ dem wöllet kain gehōr noch glauben gebenn/ dann  
wir vns von vnser kinthait biszher frumlich/ Etlich/ vnuerletzlich/ vnser  
ern vnd guetn leumats/ alls ainer gepornnen. Fürstn wolgeprüft gehalten/ vñ  
mit hilf des Almechtigen bis zu entlicher beschließung vnser lebens in freu/  
licher zucht vnd Fürstlichen ern leben/ vnd vnuerletzlich halten/ Ist hierauff  
vnser gar genedig begern/ guetlich pitte/ vnd ansinnen/ vnser abziehen mit anz/  
ders dan aus mercklicher bezwungner not/ als sich zu seiner zeit lauter durch  
entdeckung aller geübter hanndlung erfunden würdet vermercken/ euch ditz/  
mals an vnser gemainer vnd kurzer endtschuldigung settign/ Euch wider  
vns nyemandts hohes oder niders stants bewege lassen/ dan sich vnser hand/  
lung am leicht vor menigflich wol mag sehen vñ hörn lassen/ zuuersichtlich/  
ic werdet euch gegen vns auch vnsern liebsten kindlein/ wie biszher beschehen/  
vnd wir alzeit bey euch gespürt haben/ als dy frumen vñ getreuen landext  
halten/ vnd herveyßen/ vnd vnser bezwungen elends abschaiden/ getreulich  
behertzigen/ vnd sampt vns laid/ vñ mitleiden/ tragen/ in ansehung das vor



vnsers wissens dy zeit vnser beyr donung eirn thainte nie belaidiget vnd noch  
vngern thun wolltn / Sunder begirlichs gemüts eir genedige frarz zu sein  
vn zupleben / Sollichs alles werden on zweisel Römisiche thaiserliche maye  
stat vnser allergenedigster herr vnd vetter vnd vnser fruntlich lieb herin vnd  
brüder herzog Wilhelm vnd heitzog Ludwig in Bairn zc. sampt vnss des  
wir ic mayestat vnd lieb vnderth mighlich vnd freuntlich erpitn wölln in  
sundern gnaden gegen euch / denen wir vns vnd vnserer liebste kindlein treich  
lich hiemit beuelhen / erkennen / beschulden / vnd in gütēm nymer vergessen.  
Datum München an dem heiligen Christabend. Anno zc. decimo quinto.

1515.